



卷之二

本泉寺



釋良忠述

149678  
3083

觀經序外義傳通記卷第三

不曰六就下至散善顯行緣竟

釋云上來第五解於淨緣已竟自下第六解散善

緣中三則標釋結標中散善顯行者戒行三其體散故名爲散善以此散善顯往生行故云顯行問正宗分中定前散後序中何故散前定後答於淨已下三緣鉤譚前後宛然何者韋提雖請定善佛更觀機廣逗諸根先開散善謂千鉤等不爲罷鼠發機佛化不輒何因獨被夫人唯說定善此乃

機亘在世滅後行通定善散善欲化萬機因請定  
善自開散善而顯定散俱生之義此義顯已先可  
方說所請定善是故示觀緣中勸修得益正說十  
三定善下下已周當說散善是故次說三輩散善  
文如連火義似鈞鑑定散前後次第必然也次釋  
中文自爲五一明父王得益中經微笑者智論云  
笑有種種因緣有人歡喜而笑有人瞋恚而笑有  
輕人而笑有見異事而笑有見可羞耻事而笑今  
是第一希有難事諸法相不生不滅真實無字無

名無言說上准之今則歡喜微笑也歡喜意者夫  
人能請所求去行則稱釋迦佛意又顯彌陀願意  
依此二請廣開淨土之門定散皆往所以微笑解  
釋分明也又天台云何以不直答其土因而復放  
光微笑汝解有二初爲欲增道次欲使王與夫人  
因光相見王既覩光增道知國非實視死如眠夫  
人見王無憂觀法果成也微笑如釋種被誅如來  
光色益顯正以如來善達因緣業報無差對至巨  
避王雖應死而獲道迹夫人幽執則是現淨土之

緣有此多緣所以致笑也。比妙宗抄云惡業之報  
害命繫身而爲獲果及淨土緣如來心了善惡因  
果交互万差於表內心是故微笑。比靈芝云後獲  
果中初如來現土正意在茲機感相捉潛通密應  
故佛微笑。比經有五色光等者觀佛經云尔時世  
尊入遍色身三昧從三昧起則便微笑諸佛笑法  
有五色光時五色光化五百色從佛口出照父王  
頂上問韋提致請稱佛意故佛現微笑若尔應照  
夫人何唯照王答夫人被禁絕王音信進食失處

憂懼弥盛依之夫人雖怖淨土尚恨父王身命早  
亡故令益王則兼將護夫人之意故龍興云韋提  
厭求本由禁王是故如來先約影堅成阿那含比  
斯乃父王本有歸佛之心夫人更致戀王之愁因  
緣和合則有照益然佛光隨身出處必皆有益者  
華嚴二十九云大蓮華上即時足下出百萬阿僧  
祇光明照十方阿鼻地獄等滅衆生苦惱兩膝上  
放若干光明照十方一切畜生滅除苦惱脣放若干  
光明照十方饑鬼滅除苦惱左右脇放若干光

明照十方人安穩快樂兩手放若干光明照十方  
諸天阿修羅宮兩肩放若干光明照十方聲聞衆  
頃故若干光明照十方辟支佛口放若干光明照  
十方菩薩乃至住九地者白毫放若干光明照十  
方得位菩薩一切魔宮隱蔽不現頂上放百萬阿  
僧祇三千大千世界微塵數光明照十方諸佛大  
會繞十匝已住於虛空成光明網高大照明天淨供  
養諸佛上又隨收光處所益不同大論三十三云  
若記地獄光從足下入若記畜生光從蹲入若記

餓鬼光從腰入若記入道光從脇入若記天道光  
從脣入若記聲聞光從口入若記辟支佛光從眉  
間相入若記得佛光從頂入比闇何故今文無天  
益耶荅未知所以恐是文略也若光從眉間入者  
問此義在上文何重解之荅上眉間出廣益大乘  
之人矣入佛頂唯授菩薩記耳問父王見光見佛  
爲是心眼爲當眼見荅見光眼見十佛心眼故經  
云心眼無障釋云父王蒙光照頂心眼得開障隔  
雖多自然相見又憍興云因佛加力難復肉眼尋

光見佛非墻所障故眼尚如是况亦心益上障  
難多者七重室內重千墻壁名爲障闌也問父王  
可聞今經耶答經釋無文豈輒解矣但靈芝云據  
此頗婆見佛得果應與夫人同聞觀法後結益中  
但鉢鉢提五百侍女乃知頗婆證果即歸滅矣上  
正觀記云經文不刻則知證果即滅如向所引涅  
槃經云過七日已王便命終是也上非意所期者  
父王處禁只期死日音信永絕見佛望觀然因光  
照遙覩如來非是心所期也經成阿那含者問涅

槃經云耆婆白王言如是業者罪兼二重一者殺  
父王二者殺須陀洹比阿育王經第二云頗婆沙  
羅王聽法得見諦處亦是八萬四千天王遠塵離  
垢得法眼處亦是無量婆羅門及居士得須陀洹  
處上相違如何答父王本是初果聖人進證那含  
此是密益耆婆不知故無相違故淨影云王先須  
陀故今增進成阿那含比嘉祥云王本得初果何  
以知然出大論太子踰城學道時至王城促僮僕  
乞飯無量人觀者王兒結捨云太子得道前當度

我受我請後成佛時王即將八萬四千人迎佛佛說法於路得須陀洹果故本得初果今蒙光照進得那含上即超證第三之果者問王前初果今證那含是次第證何云超證凡言超者本在凡地以有漏智斷故六品九品及下八地更入見道至道類者隨本斷分或得二果或得三果是超證也然王本不斷思證初果已始斷故惑以證不還豈無六品斷二果位是次第證何屬超越答聖教所談義門非一何致偏執俱舍華論不立聖後超但論

本斷超彼述一途大乘教門義相博測亦立聖後超謂唯識十云一類二乘三界九地合爲一聚是聚訛中二字果廣章云極七友有容是次第超中二果兩類人也家之一間唯是次第以少分斷更無超故上懷興彌勒下生經疏云超次取證者有二一漸二頓下即初果超中二果得羅漢漸即凡夫倍離及全離欲入見道得中二果寶師釋云大乘對法論中有從初果超取羅漢上又止觀六云一本斷超二小超三大超四大下超本在凡地得非想定

今發無漏第十六心滿即得阿那含本在凡地或  
得初禪二三四禪今十六心滿亦是阿那含本在  
凡地欲界九品隨以世智斷之多少第十六心滿  
隨木斷超累皆名本斷超若凡地未得初禪十六  
心滿超能兼除欲界諸品惑三兩品者即是家家  
一種子等即是小超本在凡地驥法闡習善來成  
羅漢者即是大超如佛一念正習俱盡此名大大  
超比弘決六云如神通人及常人行遲疾不同豈  
無里數已然影堅王本是初果故知非本斷超又

類聚斷既無超中一果之義故異今超今超只是  
速疾爲超如彼止觀釋大超耳又父王本是凡夫  
而今見佛得第三果故云超證更不可違俱舍等  
說全今經釋不云初果涅槃經等說自是一途以  
彼異說不可難之况今釋云餘戒稍寬時節長遠  
愁畏中間失念流轉生死上又云仰憑八戒望欲  
積善增高擬資來業上此等解釋明見凡夫問縱  
使初果聖者何亦不云流轉生死擬資來業等耶  
答初果聖者感善處生何強恐之况依犯戒罪業

感彼果報，又擬資來業等者。若聖者既離惡道，生人天生，亦不求自感。若望證得二三果等，向仰散善八戒，功力彼果必依有漏無漏定力證。故若尔來業何謂？何況大師釋前三果聖人深嘆其德乎？故知頗婆本是凡夫，而今見佛超證三果耳。又疏抄真證云：經大王成阿那含者疏云云第三不遷果也。問若證那含何生欲天？答興師云：有云是阿那含向非果婆娑云影堅王聞目連說多門堂宮微妙食時捨命生彼天作太子名最勝尊，又造像功。

德經云：生天未生慾經云：王即得道上生天上明知非果有云：生天後成第三果，二生合說成阿那含。故生未慾經云：王即於其日須臾滅舉國人民靡不憐踊即得道迹有云涅槃經云：王今殺父及須陀洹。今言增成那含。然著阿字執筆錯也。如涅槃經若更受身者名爲那含不受身者名阿那含云云那含向下皆名那含。今經帶初果成一來向彼涅槃經約住果故殺須陀洹此經約向故言進成閻師子月佛本生經言頗婆王聞婆須寶多菩薩。

本地對佛懺悔成阿那含此經即著阿字又彼時則成那含此經復成耶荅一既有錯多錯何疑斷六品內皆一來向方非一品前後何惟取意抄私云諸經結得道都無談二向爲那含也只是經教異說此經不云生欲界天故不可難那含果也又須達長者優婆鞠多并是第三果還生欲界隨自意三昧得第三果得無生法忍上二明如來荅夫人請中始有此丈者問設無傳說而結集時何無此文荅阿難再說禁父禁緣一還著山說二結集時

說今從初說故云始有寫文字者雖在結集其言同故讓功於初也上亦非是無時佛語者此是義推釋也所以推者佛現深宮夫人號泣而有所陳當時佛定可有慰誘非出要故經家略之也例如上云父王在禁已來數蒙世尊遣阿難來慰問我之言尔時世尊告韋提舍者今釋異常再牒此文謂上牒文正明荅前夫人禁者略釋文意次此明下雖可廣釋其義而弁佛語有無故重牒文述其義也經去此不遠者此有三釋第一分齊不遠者

十萬雖遐而望無量猶是途故故云不遠淨影云  
十万億刹名爲不遠此似今義第二一念則到者  
約第九門或云須臾或云彈指豈非是近第三自  
然常見者此約觀成天台云安樂國土去此十萬  
億佛刹一一刹恒沙世界何言不遠解云以佛力  
故欲見則見又光中現土顯於佛力一念能緣言  
不遠也上欲見即見意似今釋又群疑論六有異  
釋云攀緣者攀謂攀附緣謂所緣心心所法謗境  
而轉終日無息故云攀緣釋摩訶衍論云我我所

轉盛攀緣思慮更增終日無息已安心住行者繫  
念名安心諦觀名住行謂正觀時繫心於境難言  
安心非是三心也經諦觀彼國淨業成者者今釋  
意以淨業成句屬修觀益故從國字可還觀字謂  
觀彼國者即淨業成也若依淨影意者從者還觀  
謂諦觀彼國與淨業成者故淨影云惄惄觀中汝  
觀彼國者勸觀依果淨業成者勸觀正報謂佛菩  
薩及與三品往生人等名淨業成者已此明機緣  
未具等者今雖詳說所請定善而閣定善更開三

福此於當丈預述下意其例蓋多佛更觀機者此明如來更鑒衆機凡觀機有三重一諸經之中皆有觀機謂如法華入定今經化前及當緣等是也二道樹觀機謂如法華說於三七日中思惟如是事智度論第七云釋迦牟尼佛得道五十七日寂不說法自言我法甚深難解難知一切衆生縛著世法無能解者不如默然入涅槃樂是時諸菩薩及釋提桓因梵天三諸天合掌敬禮請佛為諸衆生初轉法輪佛時默然受請後到波羅奈鹿林中

轉法轉上三法身地照機謂如言自本地真因初住已來遠鑒今日乃至未來大小衆機上又佛六時照機智論九十二云佛常晝三時夜三時以佛眼遍觀衆生誰可種善根誰善根成就增長誰善根成就應得度見是已以神通力隨所見教化衆生心隨逐外緣得隨意事即不生煩惱得不淨無常等因緣即不生貪欲等諸煩惱上經廣說衆等者問定善何名衆辭答今文不釋淨影云廣說衆喻顯其說相下以此方日水等相並以此方佛菩

薩像類度彼方名爲衆喻法輪靈芝亦同問從即便微笑至廣說衆辭不可屬散善緣所以然者佛現微矣意通定散廣說衆辭許說定故如何答此文則是散善自開由來是故偏屬散善緣解釋有在三明勸修得益中經亦令未來世等者問散善往生爲局未來答定散往生俱通在世未來衆生但今經文且對當機韋提定機以未來機屬散機也亦非是無機根多少佛意傍正又靈芝云亦令未來者正彰本意非止當機所謂千鈞之弩豈特爲鼷鼠

而發機乎戒度記云亦令下釋經未來非止現在兼爲末世故云亦也魏誌云千鈞之弩不爲鼷鼠而發機萬石之鐘不爲蓬撞而起韻三十斤爲鈞鼷即小鼠如來設教如爲一人衆多亦然也已四明勸修三福行中一者孝養父母即有其四者文言揔略具足應言一者孝養父母等二者受持三歸華三者發菩提心等若開二福即有其四一言孝養父母者今牒一者孝養父母而略二者三者華經文明故次則有其四者更標開義後一言孝

養父母者者四中初也二三四段起盡可見然經合者菩提心等俱大乘故釋開則是心行別故也一切凡夫皆藉緣而生等者此明受生必詫外緣於中有二一初至如經廣誨初二四生生緣所謂父母香所名爲藉緣謂胎卵生則緣父母濕生緣香化生緣處如俱舍云倒心趣欲境濕化染香處比二但是已下別舉父母外緣此乃自總之別顯父母恩也又通四生各有父母化生父母如六欲天濕生父母者如頂生王緣卵生父母如五百卵天濕生父母者如頂生王緣卵生父母如五百卵

及世遷等今藉緣者父母緣也四生各有四生者菩薩處胎經二云菩薩以神通入天四生入地獄四生餓鬼四生畜生四生於四生中胎化二生盡漏疾濕生卵生盡漏遲化生胎生是則利根人濕生卵生是鈍根人上雖有此文猶有疑滯更據餘文又安樂集上引智論云在人中或張家死王家生乃至南閻浮提死西拘耶尼生如閻浮提餘三天下亦如是四天下死生四天王天四天王天死忉利天生忉利天死生餘上四天亦如是色界十八

無色四天此死生彼或色界死生阿鼻地獄阿鼻  
地獄死生餘輕繁地獄輕繁地獄死生畜生中畜  
生中死生餓鬼道中餓鬼道中死或生人天中如  
是輪迴六道受苦樂二報生死無窮胎生既爾緣  
三生亦如是記令准此文始約入胎輪迴之間具  
有四生卵濕化生亦輪迴之間備具四生也若無  
父者能生之因即闕等者父之白滯成骨爲因母  
之赤滯成肉爲緣又能生之言通於父母所生之  
語唯局於子故知父母俱是能生之因緣也然上

下句爲省其言舉能所也能生之因者能生即因  
持業釋也然言之者是語助也所生之緣者所生  
屬子緣即是母所生家之緣依主釋也故言之者  
是闕法也父母精血爲外緣者問上文以父爲因  
以母爲緣今何父母同爲外緣答所望不同上父  
母相對以論因緣今業識父母相對以論因緣也  
母懷胎已經於十月者弘決四云如阿難問經佛  
爲難陀廣說胎相六趣不同兼弃六趣中陰等相  
乃至父母精血互有無等成不成相及精血淨相

不淨相葉初入如風雨入舍等諸相不同有在母腹而命終者以蘿油渝皮拭塗手挾薄刀子推手入割死兒身仔七而出又父母胎諸患種種相貌而不入胎入已若不壞者七日一變初七名柯羅邏如薄酪二七名阿浮陀如厚酪三七名閻手如短少樂杵四七名伽那如溫石五七名波羅奢呵六七現膝相七千現手足相八七手指相九七眼耳鼻口大小便道相十七堅實有門風吹胎始囊十一七七孔開徹母性改常十二七生大小腸如

絲縱有三支節一百孔穴十三七生飢渴相母食資潤十四七生九脉交絡纏繞十五七生二十脉一返各十又四十脉派八萬名十六七氣息通十七八眼得光十八七諸根明十九七十四根具二十七生諸骨共一七生肉二十二七生血二十三七生皮二十四七生膚二十五七血肉長二十六七生髮二十七七以業力故分別端醜男居母左女居母右男面向內女面向外皆手掩面躡蹠而座二十八七生八種想謂座榻園林等二十九七

生光潤五色別異三十七長髮凡三十  
七至三十五七人相具足三十六七生厭離心不樂三十  
七千生穢極想三十八七風力所轉頭向產門申  
兩臂出產門每於一七日各有風吹令變異風  
各有名具如彼經生已八萬刀虫從身而生縱橫  
飲啜左右各五百諸節各有若干虫戶長大衰老  
常與虫居是則三十八七計日成二百六十六計  
月成九月所以少四以半少故問世教及經并云  
十月何故唯九荅九即十九也何者經涉十故如月

初一日受胎者則定唯九月二日已去日數滿時  
即跨至十上孟蘭盆經新記云然人受胎長短不  
定如羅云六年生死苦比丘六十年即眼尊者老聃八十  
年亦有五七月者故知十月多分爲言比又俱  
舍論九云且諸有情苦福微薄入母胎位起倒想  
解見大風雨毒熱嚴寒或大軍衆聲威亂逼遂見  
自入密草稠林葉窟茅廬投樹墻下住時見已住  
在此中出位見身從此處出苦福增多入母胎位  
起倒想解自見已身入妙園林昇華臺殿居勝林

鉗之

等住出如前。比福田者此所施境也。植布施種生功德果。優婆塞戒經云。世間福田凡有二種。一功德田。二報恩田。又律名句云。八福田。一佛田。二聖田。三和尚田。四闍梨田。五僧田。六父田。母田。七母田。八病人田。<sup>上</sup>施果多少其義廣多。具如俱舍業品及諸餘文說也。然佛在世時遇值時年飢儉等者。此因緣出五分律也。見佛顏色異常似有飢相者。問佛有常得上味適悅之相。何有顏色飢相者。此示現相故。云似有智論第九明佛有九惱。一梵志女。

孫陀利謗二旃遮女。繫木杵作腹謗三提婆達多推山押佛四逆木刺脚五毗樓流王殺釋子。時頭痛六受阿耆達多婆羅門請而食馬麥。七背痛八年苦行九乞食不得而還復有冬至前後八夜寒風破竹索三衣禦寒。又患熱阿難扇佛。上又興起行經。撲明十緣。<sup>上卷說六緣下卷說四緣</sup>一孫陀利女謗二者耆奢弥跋謗三頭痛四骨節煩惱疼五背痛六木搃刺腳七提婆達多擲石八婆羅門女旃遮謗九馬妻十苦行又舍利弗請問經說七緣。此等皆

是示現相耳故唯識論十云雖有示現作生死身業煩惱等似苦集諦而實無漏塵土全身實無生死煩惱示有生死爲狀有所畏如成論云如經云善來皆比丘隨順我法我則歡喜者此似有貪比陀者此咸飯具西天之法飲食不用箸是故也三衣者三種袈裟袈裟此云不正色亦云壞色謂青黑木欄三如法色是不調羹治貪愛也一安陀衣是五條二鬱多羅僧是七條三僧伽梨衣此亦有九品

謂九條十一條十三條乃至二十五條也六物圖云一梵云僧伽梨此云雜碎衣條相多故從用則名入王官聚落衣乞食說二鬱多羅僧名中價衣謂賤法時著三安陀會名下衣直當居最之間從用名入衆衣禮詔齋時著四分云三世如來並著如是衣僧祇云三衣是賢聖沙門慄熾音志雜阿含云修四無量服三法衣是則慈悲之服十誦云以刀截故知是慚愧人衣華嚴云著袈裟者捨離三毒四分云懷抱於結使不

應被裝染賢愚經云著袈裟者當於生死疾得解脫章服儀云括其大歸莫非載苦海之舟航夷生涯之梯橙也所以須三者分別功德論云爲三時故冬則著重夏即著輕春即服中智度論云佛弟子住中道故著三衣外道裸形無耻住見故湖白衣多貪重著故已上我不消此飯等者問泛論福田聖勝凡劣縱使父母其恩難重不可過佛何故如來自不消飯而讓父母若如此施設悉檀赴縁只是爲令識知父母恩重受三歸依即能消此食者凡

以僧物施俗人者速名汙家有汙佛家之過故也然有開義謂病人懷姪女父母此開施與若父母無歸三寶心者少與孟蘭盆疏記云僧祇律云父母不信三寶即少供信即恣與比一夏者安居有三四月十六日結夏名初安居從四月十七日至五月十五日廿九日間隨何日結夏皆名中安居五月十六日結夏名後安居初後唯以一日爲結夏日中二十九日也初中後雖異滿九旬後各行自恣謂初安居者至七月十六日滿九旬自恣乃

至後安居者至八月十六日滿九旬自恣古迹云  
雨時虫多令人譏謗故制安居上此明教示禮節  
樂者此明教道恩重於中有二初二句者明世間  
師恩孝經云孝德之本也孝之所從生也同註云  
孝道者乃立德本基督教化所從生也德者得也天  
地之道得則日月星辰不失其期寒燠雷雨不失  
其節人主之化得則群臣同其義百官守其職萬  
姓悅其惠來世歌其治父母之恩得則子孫和順  
長幼相奉親戚歡娛姻族敦睦道之美莫精焉德

也比教示者師之所授也學識者貧之所授也成  
德者依學識而成道德也次二句者明出世師恩  
其義易了又上二句通世出世師下二句限在出  
世師出世禮節者戒福也問奉事師長唯可限世  
間師言世善者不遇佛法之善根故故玄義云不  
遇佛法之人雖行孝養亦未有心怖求出離散善  
義云第一福者則是世俗善根曾來未聞佛法者  
世福雖是舊醫之法已入佛法亦不廢之設入佛  
法而除戒行二福以外孝養等善應屬世善餘處

解釋且從本云不遇佛法也師長者親承各師同伴之中勝者及以家兄名長故下論註云尊者君父師也長者有德之人及兄黨也上但今釋意師則長也故靈芝云父母生育恩師長敎道恩上師之善友力者摩訶止觀四云善知識者是大因緣所謂化導令得見佛阿難說知識得半因緣佛言不應尔具足全因緣知識有三種一外護二同行三敎授若深山絕域無所資待不假外護若修三種三昧應仰勝緣夫外護者不簡白黑但能管理

所須莫見過莫觸惱莫稱嘆莫耽舉而致損壞如母養兒如虎衛子調和得所舊行道人乃能爲耳是名外護二同行者行隨自意及安樂行未必須伴方等般舟行法決須好伴更相策發不眠不散日有其新切磋琢磨同心齊志如乘一船互相敬重如視母尊是名同行三敎授者能說般若示道非道内外方便通塞妨障皆能決了善巧說法示教利喜轉破人心於諸方便自能決了可得獨行昉難未諳不宜捨也經言隨順善師學得見恒沙

佛是名教授上問父母師長其恩何重答若外典中師准伯叔故父母恩重若佛家談師恩深重舍利弗問經云佛言夫在家者孝事父母在於膝下真以報生長與之等以生育恩深故言大也若從師學開發知見次恩大也夫出家者捨其父母生死之家入法門中受微妙法師之力也生長法身出功德財養智慧命功莫大也上大般若經中出家人師恩重於父母在家人父母恩重於師恩云經慈心不殺者問爲是十善中不殺否若云十善

中第二者經文別舉修十善業也故知別故淨影云孝養父母奉事師長敬上行也慈心不殺慈下行也修十善業是止行天台亦同若云十善外者不殺之體彼此不異何云別乎答諸師異解不及會通今家所判不殺勝故上別舉之非云別體故以後二句同屬慈下行又第四卷釋慈心不殺云最上勝妙之戒也上已知屬十善戒又靈芝云上二句報恩行父母生育恩師長教道恩下二句離惡行不殺爲十善之首故特標之上問今上文解慈心不殺

不云十善首次釋修十善業明不殺列初何必上  
句不殺則十善攝答今文雖幽第四卷釋攝屬分  
明也經云一切等者十善戒經云一切受生者無  
不變身命過去來今佛一切智所說怒已可爲辭  
勿殺勿行杖若見殺生者如刀刺其心上涅槃經  
十云一切畏刀杖無不愛壽命怒已可爲辭勿殺  
勿行杖比若准本經怒字恐誤應是惒字故經音  
義云以心量物曰惒也比和名惒慧也量也今容  
量訓已下九惡等者問下九品中無解九惡九善

之相答下容有故讓之雖讓而亦略之言其惡者  
下上品云作衆惡業釋云十惡輕罪下十品云作  
不善業五逆十惡言其善者上上品云慈心不殺  
難舉不殺摠含卅福故通九善中下品云行卅仁  
慈亦說十善故今釋讓此等文處也卅善輕微感  
報不具者此明卅戒二福勝劣謂卅劣戒勝爲顯  
此義卅雖感報不及戒界故云不具問如戒勝卅  
戒行相對亦有戒劣行勝之義答戒有大小不戒  
望行戒劣行勝大戒望行各有一能故無勝劣又

靈芝云既三世佛正因明知菩薩大行第一共  
凡夫業第二共二乘業第三大乘不共上戒德巍  
巍者廣韻云巍語韋切高大貌也菩提之果者三  
乘菩提第二戒福通大小故所感菩提亦通三乘  
也經受持三歸者此翻邪三歸也故今釋云從淺  
至深先受三歸故靈芝云二中三句上句則翻邪  
三歸凡夫無始繫屬於魔作法歸投希求救護若  
但受歸有善無戒若受衆戒必兼三歸上問翻邪  
非戒今屬戒福故今三歸應是五八十具戒緣而

非翻邪者經文別說三歸受戒是故今家靈芝並  
屬翻邪三歸但攝戒福中者翻邪三歸雖非正戒  
而為受戒等引若不受翻邪無由受戒故若尅體  
者非是戒善戒善發支翻邪三歸不發七支故處  
中善也問若云三歸非戒福者何故下云戒有多  
種或三歸戒或五戒華蒼波即非是翻邪三歸五  
八十具各以三歸為緣得戒是名三歸戒也此乃  
能發所發各別舉耳復淨影云受持三歸在家戒  
也此亦即是沙弥十戒天台經具足衆戒者今家

意通道俗大小天台云具足衆戒者道俗備受微  
細不犯威儀者三千悉皆不缺也上靈芝云下二  
句則受戒在家五八出家十具故云衆戒無缺  
故云具足威儀亦戒輕細難持人多凌犯故特標  
簡上又淨影云具足衆戒不犯威儀出家戒也不  
犯四重名具足戒離餘輕過說爲威儀又離性罪  
名具足戒謂離一切殺盜婬等離餘速過名不犯  
威儀謂離一切飲酒遇等上五戒者准律名句一  
不殺生二不偷盜新云不與取三不邪婬新云欲  
不犯非境非行

道非處非時等四不妄語新云虛語五不飲酒也此戒在家  
二衆所受名近事戒光記云梵云鄖波素迦唐言  
近事素是男聲舊云優婆塞訛也言近事者婆娑  
一百二十三云問何故鄖波素迦親近修事諸善  
法故謂彼身心押習善法故名鄖波素迦有餘師  
說親近承事諸善士故復有說者親近承事諸佛  
法故廣如彼釋梵云鄖波斯迦唐言近事女尺名  
如前斯是女聲舊云優婆夷訛也上法界次第云  
佛爲提謂等在家弟子受三歸已則受五戒爲優

婆塞故經云五戒者天下大禁忌也若犯五戒在天則違五星在地即違五岳在方即違五常在身則違五藏如是等世間違犯無量若約出世犯五戒者則破五分法身一切佛法所以者何五戒是一切大小乘尸羅根本若犯五戒則不得更受大乘戒上八戒者列數如上在家亦得此戒是名爲近住戒光記云梵云鄒婆娑唐言近住下者婆娑一百廿四云近阿羅漢以受此律儀隨學彼故有說此戒近盡壽戒住故名近住有說此戒近時

而住故名近住戒上十善戒者雜律名句一不殺生二不偷盜三不邪婬四不妄語五不綺語新云  
語六不惡口新云  
語七不兩舌新云  
語八不貪欲九不瞋恚十不邪見此亦在家戒也問十善戒是世福何爲戒福答十善雖是舊醫所制今入佛化即成容戒此顯世福受翻邪三歸已始成戒福義也二百五十戒者開五篇成波羅夷僧殘波逸提舍尼突吉羅其數具如戒品不能委記此戒比丘新云  
舊所持也五百戒者亦如戒本是比丘尼所受

也沙弥戒者於八戒中塗節香冕歌舞觀聽開爲二種復加受畜金銀等寶此依俱舍則戒八戒十戒即成八十戒等又加不促金銀生像及不過中食此依殘論等勤爲大僧所策勵故文闕沙弥尼攝沙弥戒又略正學戒言正學戒者不殺不盜不婬不妄語不飲酒不過中食也三聚戒者一者攝律儀此因法身此修善也謂二者攝善法了因身也謂三者攝護身語意七種律儀戒也一切善事力無畏等一切佛法也三饒益有情錄因應身此大悲也又鑾珞經云律儀戒謂十波羅密

羅夷攝善謂八萬四千法門攝生謂慈悲喜捨化及衆生令得安穩云十無盡戒者梵網十重禁是也心無盡故戒亦無盡故云無盡何爲等十一殺戒二盜戒三婬戒四妄語戒五酷酒戒六說四衆過戒七自讚毀他戒八慳惜加毀戒九嗔心不受悔戒十謗三寶戒此依天台又一快意殺生戒二劫盜人物戒三無慈行欲戒四故心妄語戒五酷酒生罪戒六談他過失戒七自讚毀他戒八慳生毀辱戒九瞋不受謝戒十誹謗三寶戒此依古迹等者舉取四

十八輕及正學戒諸經所說戒行等也少分戒等者若約五戒明其相者持一二戒名為少分持三四戒名曰多分具持五戒名為全分優婆塞戒經云若優婆塞若受三歸已不受五戒名優婆塞若受三歸受持一戒是名一分受三歸已受持二戒是名少分若受三歸受持三戒已若破一戒是名無分若受三歸受持四戒是名多分若受三歸受持五戒是名滿分上准此經文有五分戒一分戒受持二少分戒受持三無分戒受持三戒已破一四多分

補註第一  
故有受持  
五戒  
受持三戒已  
具足不漏

戒四戒受持五滿分戒五戒受持問何故三受一破名無分  
戒荅受三故非少分一破故非多分不攝多少二分故名無分問何故三戒不取多分荅文略耳問何故略耶荅此五分中一二三四五其文具故不舉三戒問無分戒中應有多類所謂二受一破三受一二破四受一二三破五受一二三四破等也何故經舉三受一破明無分戒荅舉中顯初後也以釋望經今少分者經一分少分也今多分者經多分也今全分者經滿分也今不云無分者未破

時則多分已破時則少分故無分一不出多少釋  
義最巧其義可知問五戒少分等義可然亦出優  
婆塞戒經故而八十具無分持義何云一一戒品  
中等答言一一者且約五戒十無盡等何必通諸  
戒哉或是則言惣意別耳三言發菩提心等者問  
行福四句中何以菩提心開爲別章答菩提心是  
大乘綱要佛道根源是故開爲別段故要集云若  
欲發心作佛者此心廣大周遍法界此心長遠盡  
未來際此心普備離二乘障若能一發此心願無

始生死有輪惄謂之願作佛心亦名上求菩提下  
化衆生心別謂之是四弘誓願此有緣事生法緣  
理無緣設不堪行猶須發願其益無量調達誦六  
萬藏經猶不免那落慈童發一念悲願忽得生兜  
率則知昇沉在心非行何況誰人無一稱佛無一  
食施故願行相應何爲虛願如優婆塞戒經若人  
不能觀生死各識涅槃樂雖復施戒終不得脫若  
厭生死於涅槃德雖復少施少戒小聞即得解脫  
又止觀引寶梁經云比丘不修比丘法大千無睡

處況受人供養。若在四向僧數修七科。僧業得四果。僧利是人能受供。若發大乘心求一切智者。不墮數不修業。不得利能受供養。衣敷大地食若須弥。亦能畢報施主之恩。當知小極不及大乘之初心也。取意略步唯願我身等者初我身者。總指五陰假我之身。身中色法則同虛空。身中心法亦齊法界。此是總釋菩提心相身同虛空者。非是身量廣大無邊。只是濟度無有分別。慈及一切無邊際。相辭虛空也。次我以身業等者更約三業。以釋菩提心。

之相也。後我發此願下還述身心所作如虛空義。又言等者上明菩提心之相狀。今釋菩提心名義也。言菩提者。此翻云道淨影。云菩提是道佛果圓通說。爲菩提靈芝。云菩提翻道。比問第四卷所釋菩提與今爲同。爲異。答彼此菩提心體雖無差別。彼別局淨土菩提心。此總通二門菩提心。然淨土門菩提心者。發願於此土修行。於彼土故有願而無行智論云。新發意菩薩機解軟弱。難言發心多。願生淨土。比若聖道門菩提心者。發願於此土。則

修其行故願行具足菩提心論云如人求名官者  
發求名官心修理名官行若貧財寶者發求財寶  
心作經營財物行凡人欲爲善之與惡皆先標其  
心而後成其志所以求菩提者發菩提心修菩提  
行上深信因果者即有其二者問何標二種因果  
不釋出世因果答次下釋讀誦大乘勸進行者之  
文出世因果義自顯故令省略也又讓正宗故印  
壞文成者涅槃經師子吼品云如蠟印耶與泥合  
印滅文成而是蠟印不變在泥文非泥出不餘變

來以印因緣而生是文現在陰滅中陰不生是覲  
在陰終不變爲中陰五陰中陰亦非自生不從餘  
來因現陰故生中陰如臘印印泥印壞文成論  
智開發智慧等者問設雖讀誦大乘經文而不發  
智慧無厭欣者可非讀誦大乘行耶答設雖無解  
不發智慧有厭欣心單誦文字亦成往業但今丈  
者即明如說讀誦相也問今釋既云經教如鏡數  
讀數尋開發智慧等又下文云法師則黨成三賢  
十地萬行之智慧加之天台云讀誦大乘明修解

也行能運通說之爲乘餘二不及是云大也靈芝  
云三則生大解教註本智因誦發生比此外何處  
更釋無智讀誦亦往生行苦機分萬品行有千差  
仰信如來偏讀經典經典即是如來金言故言音  
下成無盡善修多羅章句功德難思若號誰疑無  
解讀誦即成往業苦法如毒惡法如刀等者此明  
勸化行者之意謂生死有失菩提有德須捨失取  
德故勸也於中有三初則示生死失次今既下舉  
菩提德後欲使下正釋勸理苦法如毒等者苦是

生死果惡則生死因於苦果身計我我所戀著自  
身復造惡業惡業招苦如是展轉生死無窮涅槃  
經二十三云凡夫若遇身心苦惱起種種惡若得  
身病若得心病令身口意作種種惡以作惡故輪  
迴五趣具受諸苦上又苦法如毒者煩惱道苦謂  
苦果法謂三毒也又煩惱名爲苦法苦之法故依  
主釋也惡法如刀若是業道惡之與法同屬業因  
惡即是法持業釋也流轉三有者是苦道則有漏  
果報也謂由惑造業由業感果流轉無窮侵害衆

生也。善如明鏡等者，善是善業翻上惡，故能達佛道。以終歸真，故云鏡即照正道等法，是理法翻上苦，故辭甘露故法名雖通万法而今理法名法，上以苦辭，辭毒次以法辭甘露，明其義相翻非理，何謂下言甘露則注法雨者法界等流之義而已。總而言之前諸善是自行全一業是化他此乃同以自行化他爲莊業耳。故靈芝云四則修大行勸誘修行，不令退墮上三自行後一化他上問三種淨業爲一人行答今家釋有單行複行具行之義具。

如下文又嘉祥云此之三種攝出世攝大攝小攝一切善盡故明此三種也然此三善得是三人得是一人三人者如向得是一人者始從凡夫任運修習此善次入佛法受三歸五戒乃至從小入大乘始終一人具足修此三善也上妙宗鈔云此三種業得前前者不得後者得後者必得前前比又靈芝云所以先明三福者即是修觀行人合行事業非觀無以導其福非福無以成其觀有觀無福則闕於莊嚴有福無觀則牽異越闊莊嚴則

獲報非勝牽異趣即往生無由二法相資無往不  
利上此非今意經三世諸佛淨業正因者慳興云  
有說三世諸佛皆以此三福爲成佛因故三世諸  
佛淨業正因靈芝云三世累德藉此而成故曰正  
因上此符引聖勵凡之釋斯乃引累德行勵凡往  
生諸師異解恐繁不載

鈔三下

本曰七就下至定善示觀緣竟

釋云上來第六解散善緣已竟自下第七料簡示  
觀緣中三即標釋結初標中定善示觀者十三觀

門其體定故名爲定善以此定善示往生觀故名  
示觀次釋中文自爲七此七段中前五段則如來  
正說後之二段是夫人領解請問也一明初聽許  
說中經佛告阿難及韋提希者問何故顯行緣中  
唯告夫人示觀緣中雙告二人耶答上緣中無勸  
持丈故唯告請人當緣中有流通語故雙告二人  
斯乃講法傳持其人別故各告其二也經聽聽  
聽善思念之者今家釋之則約阿難韋提二人約  
阿難云汝好傳持莫令遺失好者善也言傳持者

則思念也。莫令遺失。總舉傳持之用也。約韋提云。汝好審業。言思量者。則善思也。言諦受者。即念之也。莫令錯失。亦是用也。言好審者。以經善字。置聽等上。百聽思念也。故淨影云。諦者審也。善者好也。又天台云。諦聽今生聞慧。善思。大慧。愈之修慧。已始來已許者。指顯行緣。告命許說。故言已許。今就乃至方便者。上文雖許定善。而更自開散善。故止不說定善。今至示觀緣時。正說所講之法。故云正欲等也。正欲之言。對顯行緣之許說。故言正受者。

即是定行。依教修定。故以十三定善。教門名為入定之方便也。此乃因緣乃至始說者。定行是因教門。是緣。以此因緣而得往生。故云極要。此結上云。正受方便。言利益者。近約無生。遠約往生曠劫等者。衆生無始恒居三道於中。誰無聞法種子三世。諸佛悉說觀經。何但今說。然而聞法結緣。其功微弱。故如不聞。往生時熟。改名希聞。釋迦啓運。全為韋提及未來世一切。凡夫即說淨業。故云始說。如來臨化者。指此經化。以經說為未來世釋。云偏為。

常沒故也經爲煩惱賊之所害者六識相應貪瞋等惑名爲煩惱故今釋云凡夫障重妄愛迷滌賊者六賊下下即六塵也故今釋云六賊知聞競來侵奪斯乃境如大賊根如人舍識如內人識境相因劫<sup>十六</sup>凡夫善故云煩惱賊所害也言所害者凡夫善根爲煩惱賊所侵奪故云失此財財涅槃經二十三云如六大賊欲劫人時要因內人若無內人則便中還是六塵賊亦復如是欲劫善法要因內有衆生知見常樂我淨不空等相若內無有如

是等相六塵惡賊則不能劫一切善法有智之人內無是相凡夫則有是故六塵常來侵奪善法之財不善護故爲其所劫護者名慧有智之人能善防護故不被劫是故菩薩觀是六塵如六大賊等無差別又云如六大賊若入人舍則能劫奪現家所有不擇好惡令臣富者忽爾貧窮是六塵賊亦復如是若入人根即能劫奪一切善法善法既盡貧窮孤露作一闡提<sup>十七</sup>問凡夫善根所害有智善不害者何名有智答同經次下云如<sup>十八</sup>六大賊能爲

人民身心苦惱是六塵賊亦復如是常爲衆生身  
心苦惱乃至六大賊晝夜即歡樂六塵惡賊亦復如  
是處無明闇則得歡樂是六大賊唯有諸王乃能  
遮止六塵惡賊亦復如是唯佛菩薩乃能遮止乃至  
是六太賊雖有諸王截其手足猶故不能令其心  
息六塵惡賊亦復如是雖須陀洹斯陀含阿那含  
截其手足亦不能令不劫善法如勇健人乃能摧  
伏是六太賊諸佛菩薩亦復如是乃能摧伏六塵  
惡賊比准之有智人者佛菩薩也三果聖者未免

所害况於凡夫所害之言豈非此謂問如經說者  
凡夫三果未免賊害然大師意則許今典專被具  
縛何免賊害答彼經說約自力聖道凡夫三果不  
免賊害今經意約他力淨土凡夫亦有免賊害義  
爲彼害者說淨土故然望怯弱下機聖道自力修  
行難成是故云失此法財如般舟讚云釤珞經中  
說漸教萬劫修劫證不退觀經弥陀經等說即是  
頓教菩薩藏一日七日專稱佛命斷須臾生安樂  
一入弥陀涅槃國則得不退證無生萬劫修功實

難續一時煩惱百千間若待娑婆證洪忍六道恒  
沙劫未期貪嗔則是輪迴業煩惱豈是無生因驗  
此貪瞋火燒苦不如走入弥陀國上又如傳云諸  
諸行業迂僻難成唯此觀門定超生死上起信論  
修行分勸於此土真如三昧難成往生極樂問六  
賊知聞競來侵奪等者勸機用心謂勤心淺難行  
善法爲六塵境失功德財慎守六根成就功德何  
恣云嫌聖道難行勸淨土易修荅六賊知聞等文  
即釋凡夫當體更不謂依用心緩急有功德財失

與不失經文明說爲煩惱賊之所害者說清淨業  
清淨業者雖是定善許說意通淨土一門故爲怯  
弱下劣之機嫌聖道門勸淨土門問誰知總勸淨  
土門於淨土門中嫌散善行云失此法財唯局定  
善云清淨業荅佛意廣欲開淨土門寧捨散善既  
雖韋提誦定如來自開散善豈云嫌散况散中有  
稱名何云失法財耶問可有雜行以爲失法財之  
義耶荅經釋無判以義推者縱容不定若對聖道  
可屬不失若對念佛客屬失賤云三惡火坑等者

問鬼畜居在人間何云三惡在下菩鬼畜種類雖  
是散住今約三途本住處故云在足下謂此地下  
五百由旬有琰魔界是鬼本處龍王居海是畜本  
處雖非地下而海底故尚屬足下經清淨業者此  
有二釋一云懺悔滅罪名清淨業謂入觀前方便  
更用懺悔方軌二云依下觀門專心念佛謂十三  
觀觀佛色相名爲念佛故像觀云於現身中得念  
佛三昧釋彼文云尅忿修觀現蒙利益第九觀云  
以見諸佛故名念佛三昧此是第九觀成相也凡

念佛義難通觀稱當文既是定善許說故局宗善  
清淨業義難通十三定善釋且從勝故云專心念  
佛也又念佛者廣通十三如觀念門指十三觀以  
屬觀佛三昧此乃彼土依報甘露佛故又約經元  
意可通稱名也今家念佛是稱名故問初釋不明  
今經中無懺悔法故答罪是定障故先懺悔是以  
日座二觀釋中明懺悔法經無皆略况乎未人對  
佛求哀懺悔彼既懺悔罪憲未來定機何不爾耶  
三明勸持勸說中經汝當受持等者問正宗未說

何頑流通。荅此教凡夫得度深要故因許說以當說法急勸流通已除口過築者妄語等四名曰口過因罪經云妄語罪又令衆生墮三惡趣若生人中得二種果報一者多被誹謗二者恒為多人所誑兩舌之罪亦令衆生墮三惡趣若生人中得二種果報一者得破壞眷屬二者得惡弊眷屬憑口之罪亦令衆生墮三惡趣若生人中得二種果報一者常聞惡聲二者所有言說恒有諍說綺語之罪亦令衆生墮三惡趣若生人中得二種果報一

者說正人不信受二者所有言說不能弁了上俱舍論十七釋十惡業等流果云虛誑語者多遭誹謗離間語者親友乖穆鹿惡語者恒聞惡聲雜穢語者言不威肅上准此等文總而言之通口四過別而論之正在綺語問外道及以五惡性人雖聞佛說而不信行何云一切聞者生信荅今言生信此就佛道修行之機而所論也外道惡人不信之斯是彼過全非佛過華嚴經云清淨慈門刹塵數共生如來一妙相一一諸相莫不然故見者無

厭足上見相既，余聞說亦余。又佛及弟子兩說相對，聞佛所說自然生信，聞餘人說難生信心。亦此義也。四明勸修得益中，貪於極樂者間，貪生三有苦果，何云貪於極樂？答安樂集云：凡相有二種。一者於五塵欲境妄愛，貪染隨境執著。此等是相名之爲縛。二者愛佛功德願生淨土，雖言是相名，爲解脫，何以得知？如十地經云：初地菩薩尚自別觀。二諦，勵心作意，先作相求，終則無相，以漸增進體。大菩提盡七地，終心相心，始息入其八地，絕於相。

求方名無功用，也是故論云：七地已還惡貪爲障，善貪爲治。八地已上，善貪爲障，無貪爲治。況今願生淨土，現是外凡所修，善根皆從愛佛功德生，豈是縛也？故涅槃經云：一切衆生有二種愛。一者善愛，二者不善愛。不善愛者唯愚求之，善法愛者諸菩薩求。是故淨土論云：觀佛國土清淨味攝受衆生，大乘味類事起行願，取佛土味畢竟住持不虛作味。有如是等無量佛道味，故雖是取相，非常執縛也。正述記六云：薩婆多師緣無漏貪是善法。

准此等文今言貪者則是善貪也經以佛力者此通  
弥陀釋迦二佛。弥陀力者由宿願力護念冥加  
令觀成就故下文云然彼如來宿願力故有憶想  
者必得成就觀念門云以佛願力見彼國土上釋  
迦力見依說教力入觀住心神力加被必得見佛  
次下文云有異方便異方便者指十三觀故玄義  
云十三觀以來盡名異方便淨影云由佛教力并  
由神力故得見之上凡佛力之言亦通諸佛念力  
觀念門云諸佛同體大悲念力加被令見又法聰

云言佛力者一釋迦說力二彌陀願力三十方諸  
佛護念力上此中彌陀願力文理最親而已衆生  
業障乃至何由得覩者此舉凡夫肉眼不見障外境  
界而况聖境非凡夫分於中有二初兩句總標  
衆生業障不知聖境斯顯凡夫肉眼對於聖境如  
生盲也二指掌已下正舉肉眼不見障外況釋聖  
境非凡夫分於中亦二一指掌下至踰之千里正  
明肉眼不見障外二豈況已下正況釋耳又太意  
如上分文有二一衆生下至踰之千里此爲況釋

聖境非凡夫分先舉凡夫肉眼不見障外言生盲者凡夫肉眼不見障外如生盲也二豈況凡夫已下如上箕者順和名云箕竹加和邊千里者宗鏡錄廿三云解即十方一心中迷即方寸千里外若能如此正解圓通即十方世界鑿在掌中四海波瀾吸歸毛孔有何難哉可謂密室靜坐成佛不久矣比但彼約理性今約佛力因茲毒故即得無生者問定善初心可依未至未至捨受若入捨受定見境時何生歡喜答瑜伽唯識意許初二近分外

屬喜受第三近分亦屬樂受若依此義未至及初二猶喜受故不違歡喜文今經定善夫人等初心所修故知未至及初二禪可爲依地故云喜故得忍不速依餘地時非喜而得忍言無生者不退之義忍者慧也謂得無生之慧故名無生忍也亦名喜忍筆者心歡喜故名爲喜忍廓然大悟故名悟忍其位十信名信忍也此乃玄談未標得處者預遠舉勸正說之益故云玄談當文雖言得無生忍未言何變故云末標其得處者若約夫人在第七

觀若約未來更不可定斯乃衆生機不同故依正  
二觀中隨何觀機熟時至可得忍也多是十信中  
忍者問爲許少分通深位忍答不可尔也只是經  
丈不說其位諸師亦釋深位忍故且置恐慮之言  
而已淨影云三應時下由見心喜得無生忍由知  
彼國從心而現達本無法故得無生理也慧心安  
理名無生忍具上引天台云即得無生忍是初住初  
地比開今家定判十信無生有何丈理蒼任經大  
旨以作此釋謂夫人是貪瞋具足凡夫故初得無

生豈非淺位哉又此經說凡夫往生令凡夫行定  
散二善其中定善行成之時所得無生若獨解行  
已上忍者甚違此教本意故也五明說他力見中  
衆生置惑者應云癡惑置者借音耳又致惑也釋  
籤一云應開謂開其問端應速謂致其所問亦開  
置同席故成不定比准之致有置訓置亦可有致  
訓夫人是聖非凡等者問韋提夫人爲是權者爲  
是實者若言實者韋提既是一經發起鑒機知時  
是以諸經發起之衆悉是內鑒今然韋提何獨實

者若言權者經云汝是凡夫速權者執如何答權  
實難知若准他經應是權者心地觀經列同聞衆  
云復有十六大國王夫人韋提希夫人乃至殊勝妙  
顏夫人而爲上首已能善入無量正定爲度衆生  
示現女人以三解脫門有大智慧福德圓滿無緣  
大慈無礙大悲憐愍衆生猶如赤子已依之會今  
經者爲引凡夫誣属凡夫能引若權所引何不起  
此疑故必生怯弱佛爲斷疑故云汝是凡夫安樂  
集云韋提大士淨影云韋提夫人實大菩薩此會

則得無生法忍明知不小示化爲凡上靈芝云大  
權引實故示同凡上又一義云經云汝是凡夫釋述  
實是凡般舟讚云韋提即是女人相貪瞋具足  
凡夫位已故應實者但發起者全經偏被善惡凡  
夫說相義門既異他經不可例同韋提縱雖實者  
如來冥加令選極樂發起一經何咎證定疏中都  
無一處屬權者文末學何立無文情義心地觀經  
誰知若是同名異體諸師所解用否任情或經下  
異說耳云經未得天眼者問所言天眼爲是似位

將為真位者。今釋只舉肉眼不見穢土被障之色。況顯不可見淨土之義。未分天眼真似之別。但諸師意多約真位妙宗。鈔云。問阿那律天眼最勝。但見大千。豈有得天眼者越十萬億土。見安養乎。荅此語未得分真。菩薩天眼非二乘也。故大經二十二云。菩薩所得清淨天眼。異於聲闡緣覺。所得以是異故。一時徧見十方世界。現在諸佛大論亦同此說。上靈芝云。天眼六通之一。障內障外無不徹。見凡仙小聖雖得天眼。遐方淨刹何亦能觀。上經。

有異方便者。善巧方便也。止觀四云。方便是善巧。也。比方便有二。一修觀爲正受。見成方便故。上文云。十三觀已來盡名異方便。二佛力聖力加。凡見彼國故。今文云。自非聖力冥加彼國。何由得覩故。天台云。異方便者。即十六觀。非直觀名方便。以佛力故。見彼國者亦是方便也。上異方便解二師符合。但天台意十六爲定全家。則以十三判定。以是爲異。問言。方便者對真實說。何以定善見佛。妙術。名方便耶。答方便義廣。不可一准如彼天台。

三方便中能通是假說以三權爲能通以一實爲所通故法用妙非對真實謂法用以當分益名爲方便秘密即權而實故不對實加之淨土論云依方便門憐愍一切衆生心遠離供養恭敬自身心致註云正直曰方外已曰便依正直故生憐愍一切衆生心依外已故遠離供養恭敬自身心上此是善巧方便亦可當彼法用方便也六明夫人領解中如上光臺等者問凡示觀者顯示定益以勵修行是故經中正說三文皆明定見一經云韋

提未來觀於西方當得見彼清淨國土釋云夫人衆生入觀住心凝神不捨心境相應悉皆顯觀二經云見彼國土得忍三經云有異方便令汝得見如是三文皆說定見況異方便者指十三觀如是釣鏃相連三文云見皆約定行然於淨緣佛荅所求末說去行夫人所見專在散心肉眼所見若余夫人領解何違正說領解光臺荅見有二種一散心眼見如光臺見去行未成名所求見二定中心見去行已成名去行見夫人聞定見即領解云去

行見尚他力，况光臺散心見哉。故云以佛力故見彼國土，依此領解，故發悲心，寄於未來，全不見機。以致若佛滅後之時，夫人所請雖云未來，如來答說廣被現未故。日觀初云汝及衆生佛知請意，答現未機也。問彼釋既云，揔領所現感荷佛恩，何云因佛開示而始領解？光臺亦佛恩乎？答佛恩有二。一、光臺現國佛恩故。云感荷佛恩謂由佛現故已能見。二是夫人自見故。云已能向見，二入定見境，亦是佛恩。故云如來有異方便令汝得見，故上下。

恩其義遙異。七明夫人爲物致請中，如來減永生之壽等者。法華壽量品云：我成佛已來甚大久遠，常住不滅。然今非實滅度，而便唱言當取滅度，所以考何？若佛久住於世，薄德之人不種善根，入於憶想妄見網中，若見如來常住不滅，便起憍恣，而壞厭息。比又攝論云：化身滅度有六意，一事究竟，故二爲除樂倒故；三令捨輕慢故；四爲生渴仰故；五爲身精進故；六欲速成就故。比周樟縱橫者，此明此死生波流轉，謂從此趣移彼趣，故名縱於一。

道中受種種身故名爲橫也經濁惡不善者如全  
釋者濁則惡不善以云濁者體非是善故也俱舍  
論云言五濁者一壽濁二劫濁三煩惱濁四見濁  
五有情濁劫減將末壽等鄙下如澤穢故說名爲  
濁由前二濁如其次第壽命資貞極被襄捐由次  
二濁善品襄捐以耽欲樂自苦行故或捐在家出  
家善故由後一濁襄捐自身謂壞自身身量色力  
念智勤勇及無病故光記云壽濁以命爲體言劫  
濁者劫謂時時無別體約法以明五蘊爲體又解

若從於出劫體以五蘊爲體此中劫濁以色爲體  
故論云貧具襄捐煩惱濁以五鉢感爲體見濁以  
五見爲體有情濁者有情離法無有別性以五蘊  
爲體又解以惡業爲體劫減將末壽等鄙下如澤  
穢故說名爲濁由前壽命極被襄捐乃至十歲由前劫濁起故衣食等貧具極被襄捐以此故知劫濁以色爲體由以煩惱見濁起故善品  
襄捐煩惱以濁取審樂故起貪捐善心見濁自苦  
行故起戒取損善或煩惱捐在家善見濁捐出家

善由復有情濁起，襄損自身，身量短少，色白，令黑力強，令劣，正念正知，令邪愈邪，智勤勇，令懈怠無病，令有病，以此故應知有情濁以五蘊爲體，問如婆娑一百一十三云：有情襄損者謂劫初時此瞻部州廣博嚴淨多諸淳善福德有情城邑并以人民充滿至劫末時唯餘萬人唯婆娑損諸有情令漸小何故此論說損自身解云婆娑據多令少此論據損自身以實而言皆通兩種俱有情故上又淨影云濁惡不善明有惡因濁謂五濁何等爲五

一者命濁命報短促二衆生濁無其人行三煩惱濁諸結增上四者見濁謂謗不信五者劫濁所謂飢饉疫夭刀兵此五同能濁亂淨心故名爲濁惡者五惡殺盜邪婬妄語飲酒是其五也不善是其十不善業身三口及意三邪是其十也亦可五惡通說以爲濁惡不善又天台云濁者五濁不善者十不善比自身衆惡變爲善等者問云見濁者廣通五見以爲其體然何今釋似局見取答今文非唯舉見取見可通五見等也謂正見者無誤

分別自他，是非邪見之者，他是爲非，自非爲是，如是計廣通諸見也。又見取見者於諸見劣，謂勝故舉能執，一見則攝所執諸見所執之中雖有非見之法而見勝故唯名見取故俱舍云於劣謂勝名爲見取有漏名劣聖所斷故執劣爲勝揔名見取理實應立見等取名略去舉言但名見取光記云言見取者緣見起取見之取故名爲見取依主釋也。上當今劫末衆生等者問煩惱濁者五鉢爲體荷局貪嗔答舉二攝餘非局二也多行殺害者問

爲是前業將爲現業答今文多順現業依見惱濁得短命故大經下云尊卑上下貧富貴賤勤苦忿勞各懷殺毒惡氣窈冥爲妄興事違逆天地不從人心自然非惡先隨與之恣聽所爲待其罪極其壽未盡便頓奪之下入惡道上亦可通於順生等業也經五苦所逼者如今釋者八苦之中除三苦也又淨影云五苦所逼明有苦果如大經說五痛五燒是其五苦何者五痛有入造作殺盜邪婬妄語飲酒現遭危難王法刑罰是其五痛何者五燒

則前五惡當墮三途受諸苦毒名爲五燒又天台云五道非樂故云五苦或是五濁五痛名五苦上問今師四苦加愛別苦名五苦者有何證耶荅四苦常談此經出離起於愛別故任經旨作此釋也此五濁五苦八苦等通六道等者問五濁於六道中在人於四洲中唯在南洲於南洲中人壽二萬歲已下也法華記云准悲華經八萬至三万亦未有濁至二萬歲爲五濁始上故知五濁全不可通餘處餘時五苦八苦云何亦通三界六道荅今六

道者且約欲界言通受者應是義立謂有爲壯即是劫濁有漏凡夫是衆生濁五利五鉢見惱二濁生者必滅即是命濁四相遷流生等四苦同類前去是愛別離苦求不得義皆通諸趣五陰果報是陰盛苦遇違境名爲怨憎苦皆名苦者通三苦故例如法華文句判釋煩惱等五體通三界謂彼丈云煩惱見在凡夫餘三通凡聖命短劫長餘三通長短劫但是時命帶法論時劫通内外命但在內三小害人不害物三大害物不害人小劫但在人

大劫通色界命通五道三界劫是共濁四各子濁  
小劫是劫濁大劫通濁不濁從八萬至十歲為小  
劫八十反為大劫上記云煩惱下凡聖門煩惱在  
凡者謂諸凡夫定有故耳然見必在凡煩惱通聖  
如具縛聖者及羅漢向言三通者劫減有佛劫增  
唯凡又減則有佛增通餘聖又增與減各通有無  
以大小乘不同故也豈華嚴淨滿待劫減耶常在  
靈山此之謂也衆生之名具通凡聖命有凡聖報  
命不同命短下長短門一劫之中數千生故較長

短別此乃約人及以欲天見佛變說若論初禪即  
劫命華二禪已去劫短命長乃至無色唯說可知  
三通長短者煩惱在凡故長在聖故短諸見在餘  
凡夫故長在利根外道故短亦可在餘凡夫故短  
在鈍根外道故長亦可在小故短一生斷故在大  
故長留惑潤生入生死故又見前盡為短煩惱後  
盡為長命分別濁入生死者不名為濁衆生唯說  
劫但下帶不帶門命是不相應行法須帶陰法論  
長短時餘并屬法非不帶時非親帶故但在於法

劫通下內外門大劫害器故名爲外小劫害人故名內或可四濁聚時時通內外三小下害不害門物即外器大劫起時人已上生隨三不同生三禪處小劫下五道三界門准應別論三五相參故合明之通色如前言命通者亦應云餘四通於三界等亦應云通於四生四生各有長短故也劫是下共別門次小劫下通別門從八萬下釋大小劫比又五濁等通六道受者非言一道苦一有情悉受

五濁五苦八苦於此五濁等中無全無者故云未有無者也若不受此苦者等者問五苦八苦及劫命生三濁亦通聖者何云非凡數攝答凡夫具受五八等苦聖人非全故云非凡數攝又小乘意雖許聖苦大乘不尅所謂地上證法性身而非分段有漏色身故離諸苦何云聖人受諸苦乎但群疑論許十地有五蘊等苦若准之者彼雖名苦或輕苦故或少分故屬無苦也

本曰初明下至明序分竟

釋云初立二序半結三序二序三序開合異也此乃今經化儀正起惡逆佛在耆山遙觀其機觀機發起既是各別故爲三序又佛觀獵王宮起逆夫人請我由此請故我時應說此希奇法此是今經遠發起序故爲二序是故二三不相違也

觀經序分義傳通記卷第三

